

Ketika suaminya pernah menjadi Menteri Besar Johor, Puan Sri Dr Jamilah Ariffin banyak melaksanakan projek kebajikan sosial menerusi Badan Amal Tenaga Isteri Wakil-wakil Rakyat Johor (JUITA) diberi nama JUITA-Ku Sayang.

Selaku Yang Dipertua JUITA ketika itu, sebanyak 14 projek sempat diperkenalkannya khusus untuk membantu rakyat miskin dan kurang bernasib baik di Johor serta masyarakat Orang Asli negeri itu.

Projek terakhirnya pada tahun 1995, menumpu bagi membantu meningkatkan taraf kesihatan Orang Asli Johor menerusi kem pemeriksaan kesihatan dan pergigian, sekali gus membolehkan beliau lebih mengenali Orang Asli Seletar atau 'Orang Laut' kerana kehidupan mereka hanya di laut.

Hidup terjejas

Pada tahun 2006, beliau mulai sedar kehidupan atau kelangsungan hidup masyarakat itu kian terjejas dengan kepesatan pembangunan komersial, khususnya di Iskandar Malaysia.

Sebagai pakar sosiologi, beliau sering menjalankan penyelidikan, malah mengajar kuliah mengenai 'penilaian impak sosial dan projek pembangunan ekonomi,' menyebabkannya tergerak mencari jawapan sama ada Orang Asli Seletar dapat terus menjalani kehidupan seperti biasa dalam persekitaran bandar raya moden pada hari ini.



Kekalkan budaya Orang Asli Seletar

» Jamilah terbit buku, fahami
masalah suku primitif itu di Johor

Atas inisiatif sendiri, Jamilah men-

jalankan kajian terperinci berhubung adat dan budaya Orang Asli Seletar serta bagaimana mereka terjejas dengan perubahan ekonomi di Johor, selain memahami sama ada suku primitif itu boleh hidup dengan kemajuan teknologi, komunikasi dan maklumat di Iskandar Malaysia.

Ia juga untuk mengetahui sama ada masyarakat Orang Asli itu akan memberitahu kebimbangan utama, dilema kehidupan dan kesukaran mereka menyesuaikan diri dalam pembangunan pesat itu secara terbuka untuk difahami masyarakat lain.

Memahami Orang Asli Seletar

Memberi senario itu, katanya, ramai pelabur dan pemaju kini berlumba memajukan Iskandar Malaysia termasuk bagi projek pembangunan komer-

sekaligus memabitkan kediaman dan rekreasi.

Disebabkan itu, sungai dan laut yang memiliki pemandangan indah menjadi tumpuan, namun lokasi itu antaranya turut menjadi penempatan Orang Asli Seletar ini.

Lancar buku

“Jadi, bagaimana nasib Orang Asli yang miskin, tidak berdaya dan tiada pendidikan ini untuk hidup di wilayah kian membangun itu.

“Paling dibimbangi ialah Orang Asli Seletar Kampung Sungai Temon kerana mereka dianggap sebagai penduduk setingan dan boleh diusir pada bila-bila masa berikutan tidak mempunyai hak pemilikan tanah di tanah yang mereka duduki sekarang.

“Jadi, saya berharap hasil

penyelidikan yang diterbitkan dalam buku *My Personal Journey In Observing the Dynamic Iskandar Malaysia and its Forgotten Sea Gypsies : Economic Development Contradictions and Cultural Change* ini dapat membantu agensi kerajaan, badan bukan kerajaan (NGO) dan mana-mana individu memahami serta membantu masyarakat ini,” katanya pada pelancaran buku itu, baru-baru ini.

Buku itu dilancarkan Menteri Pembangunan Wanita, Keluarga dan Masyarakat, Datuk Seri Rohani Abdul Karim, di Kuala Lumpur Golf and Country Club (KLGCC). Turut hadir, suami Jamilah, Tan Sri Abdul Ghani Othman.

Buku itu terhad sebanyak 200 naskhah dan boleh didapati di semua kedai buku MPH seluruh

negara atau Yayasan I-Resolve pada harga RM50 untuk kulit lembut dan RM100 untuk kulit keras.

Bantu hidup Orang Asli

Jamilah berkata, hasil penyelidikan hampir 20 tahun itu mengambil masa selama sembilan bulan untuk dibukukan sebelum diterbitkan yayasan kebajikan masyarakat, Yayasan I-Resolve, yang diterajui beliau sebagai pengerusinya.

“Saya berharap buku ini dapat mencapai matlamat utama saya meyakinkan pihak berkaitan untuk membantu suku Orang Asli ini terus hidup dalam skop tradisi budaya dan ekonomi mereka tersendiri, melengkap kepesatan pembangunan ekonomi serta penduduk Johor,” katanya yang kini menetap di Kuala Lumpur.

BH 7/8/14 MS 8



“
Jadi, bagaimana nasib Orang Asli yang miskin, tidak berdaya dan tiada pendidikan ini untuk hidup di wilayah kian membangun itu”

Jamilah Ariffin,
Pakar sosiologi



Jamilah ketika melawat perkampungan Orang Asli Seletar, Johor.



Abdul Ghani turut **memberi sokongan** terhadap usaha Jamilah.